



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Perfectionibvs Moribvsqve Divinis Libri XIV**

**Lessius, Leonardus**

**Antverpiae, 1620**

Cap. III. De fructu huius considerationis.

[urn:nbn:de:hbz:466:1-46817](#)

## CAPVT III.

*De fructu huius consideracionis.**Admiratio.*

**E**x his tres potissimum in nobis oriuntur affectus. Primo, Admirationis, iuxta illud Psal. 138. *Mirabilis facta est scientia tua ex me, (supra captum meum:) confortata est, & non potero ad eam. Quis enim cogitans, omnia praesentia, præterita, futura, omnia possibilia & imaginabilia; omnia quæ sunt, & omnia quæ non sunt, Deo perfectissimè & distinctissimè esse præsentia & in conspectu semper posita, nullā in ipso facta mutatione, non obstupecat; præsertim cum unico actu, imò nullo actu elicito, sed per essentiam suam vitaliter hæc omnia cernat?* Nascitur enim admiratio ex eo quod aliquid se offerat mensi nostræ, captum vel experientiam nostram superans. Nam tunc admiramur, cum videmus rem esse longè maiorem quam anteceperamus, vel experti eramus. Quare cum sapientia diuina sit infinite maior, maximam admirationem, atque adeò stuporem in nobis excitabit, per quem fieri, ut homo vix sui compos dicat cum Prophetâ: *Vt iumentum factus sum apud te, & ego semper tecum.*

*Humilitas.*

**S**ecundo, Affectus humilitatis & annihilationis sui, quoad cognitionem & sapientiam, & subiectionis intellectus in obsequium dei in omnibus. Si enī omnis sapientia Angelorum & hominum quasi nihil est ad illud sapientiae pelagus immensum, siue multitudinem & sublimitatem cognitorū species, siue perfectionem cognitionis, siue firmitatem & immutabilitatem; quid mea sapientia ad illam erit? Sanè minus quam unus puluisculus ad montem immensum, una guttula ad mare infinitum, tenuis umbra ad solis splendorem. Itaque non est quod gloriemur de nostra sapientia, aut honorem nobis ex ea captemus; cum tota sit instar nihili coram Deo: sed querenda nobis gloria Dei, vt omnes diuinam sapientiam cernoscant, admirentur, adorent, eiique iudicium suum in omnibus subiciant, maximè in ijs quæ per Ecclesiam nobis credenda proponit. Si enim tanta est imbecillitas ingenij nostri, ut ne formicæ quidem naturam, formationem, indolem, vitam, actus cognoscere possimus, aut alterius rei maximè obuiæ essentiam, quomodo poterimus de mysteriis diuinis & supernaturalibus iudicare, quæ sapientia Dei infinita nobis sola patefecit?

Causa

- 27 Causa vero cur huiusmodi sublimia & captum nostrum exce- *Cur fidem  
Deus exigeat  
a nobis.*  
dentia a nobis credi voluerit, est: Primo, Ut captiuantes ingelle-  
etum nostrum in obsequium fidei, illum totum Deo subiiciamus;  
& agnoscentes imbecillitatem mentis nostrae, ac diuinæ sapientiae  
altitudinem, Deum sic honoremus. Secundo, Ut mens nostra sur-  
sum erigatur, & ad diuinæ eleuetur. Si enim Deus non proponeret  
ea quæ captum humanum excedunt; mens non attolleretur sur-  
sum, sed in suo gradu & insima sorte maneret, neque ad Dei visio-  
nen disponeretur: fides enim supernaturalium, media est inter  
cognitionem naturalem & visionem beatam. Tertio, Quia cum  
vita æterna sit supra naturam, ea quoque quæ ad illam ducunt, de-  
bent naturæ captum superare. Hinc tantope Ædonum fidei in  
Scripturis commendatur, & ex diuina illustratione haberi dicitur.  
28 Denique subiiciendus intellectus diuinæ sapientiae etiam in rerum  
eventis & mundi gubernatione, ut credamus a Deo omnia sapien-  
tissime fieri, nec murmurenius contra eum, si nobis aduersa, im-  
piis prospera euenerint. Ipse enim sapientissime omnia disponit.  
Quidquid enim decernit vel permittit, id facit vel ut peccata casti-  
get, vel nos ad bonum excite.  
29 Tertio, Excitatur affectus summae & assidue reuerentiae erga  
Deum. Si enim omni loco & tempore omnes actiones, cogitatio-  
nes & intentiones nostras intuetur; quanta reuerentia interius &  
exterioris coram ipso nos versari oportet! Si enim qui versantur in  
oculis Principis, diligenter cauunt ne quid committant quod oculi  
Principis offendere possit; quanta diligentia nobis cauendum,  
qui versamur in oculis tantæ maiestatis, ne quid ad mittamus quod  
ipso displiceat? Ad hanc reuerentiam & curam sepe nos monet sa-  
cra Scriptura. Ecclesiastici 16. Ecce calum, & cali calorum, abyssus &  
universa terra, & qua in eis sunt, in conspectu illius commouebuntur,  
montes simul, & colles, & fundamenta terra, cum conspexerit illa  
Deus, tremore concutientur. & cap. 23. Oculi Domini multo plus luci-  
dores sunt super solem, circumspicientes omnes vias hominum, & pro-  
fundum abyssum, & hominum corda intuentes in absconditas partes. Do-  
mino enim Deo antequam crearentur, omnia sunt agita: sic & post  
perfectum (id est, postquam iam creata sunt) respicit omnia. ad He-  
breos 4. Viuus est enim sermo Dei, & efficax, & penetrabilior omni  
gladio anticipi, & pertingens usque ad divisionem animæ ac spiritus,  
compagum quoque ac medullarum, & discretor cognitionum & inten-  
tionum cordis. Et non est illa creatura inuisibilis in conspectu eius. Om-  
*Affectus re-  
uerentiae.*

L nia

Psalm. 7.  
Ierem. 17.  
nia autem nuda & aperta sunt oculis eius, ad quem nobis sermo. Loqui-  
tus de Filio Dei, seu Verbo, qui Grace Λόγος dicitur, & de pene-  
tratione per intuitum & iudicium. Hinc Deus dicitur καρδιογνώστης,  
scrutans renes & corda, id est, intimas cogitationes & affectiones  
distincte & clare intuens ac diuidicans.

## CAPUT IV.

*De Veritate.*

Veritas quid. **S**APIENTIAE connexa est veritas & vita.  
Bonitas. Veritas generatim nihil videtur esse aliud, quam conformitas  
rei cuiusque cum sua mensura & regula, per quam sic est formata  
vel concepta. Ideo enim hoc est verum aurum, verum argentum,  
vera aqua; quia secundum suam speciem est conforme & con-  
gruens suae mensuræ infallibili, per quam sic est formatum. Hæc  
autem mensura est conceptio diuina, quam ideam vocamus. Con-  
cepit Deus intra se naturam auri, & vi huius conceptionis fecit il-  
lud extra se ipsi conceptioni tamquam regulæ suæ conforme, ac  
vale planè quale concepit. Illa congruentia & conformitas auri  
cum sui conceptione effectrice, est eius veritas, nec Deus aliunde  
de eius veritate iudicat. Si aliter se haberet quam conceptio & no-  
tio auri in Deo requirit, non esset verum aurum, sed falsum & af-  
similatum. Idem dictum de omnibus aliis rebus à Deo forma-  
tis. Conceptio enim diuina, qua singula secundum suas species ab  
externo excogitata, & in mente diuina veluti efficta sunt, est om-  
nium mensura, omnium regula, & veluti primævum sigillum om-  
nibus impressum, cui omnia sunt conformia, per quam conformita-  
tem singula secundum suas species vera sunt & dicuntur. Hoc modo  
veritas est proprietas entis creati, sicut & bonitas: cuius ratio con-  
sistit in eo, quod omnia secundum suam speciem sint congruentia  
ad finem ad quem à Deo sunt instituta, qui potissimum est, decla-  
rare potentiam, sapientiam, bonitatem, & ceteras perfectiones sui  
Conditoris. Sicut enim omnis res dicitur vera ex conformitate ad  
suam causam exemplarem, ita dicitur bona ex congruentia ad  
suam causam finalem. Nec refert quod nomen veri & boni ex hac  
consideratione rebus forte non sint ab initio imposita, & alia etiam  
ratione res veræ & bona dici possint: nos enim de primaria  
veritate & bonitate rerum loquimur.

Con-